



類函 三六



卷七十三設官  
七十四設官

切<sup>5</sup>  
427  
36





新金圖書  
 此係明治八年八月  
 月廿八日  
 由諸田一人  
 山田一人  
 君田一人  
 郎田一人  
 所購以贈



淵鑑類函卷七十三

設官部十三

尚書總載  
尚書令

錄尚書

尚書總載一

**原**杜氏通典曰昔堯試舜於大麓領錄天下事似其任也周之司會又其職焉鄭元注周禮云司會若今尚書秦時少府遣吏四人在殿中主發書故謂之尚書尚猶主也漢承秦制及武帝遊宴後庭始用宦者主中書以司馬遷為之中間遂罷其官以為中書之職至成帝建始四年罷中書宦者又置尚書五人一人為僕射四人分為四曹通掌圖書祕記奏章之事及封奏宣示內外而已其任猶輕

至後漢則為優重出納王命敷奏萬機蓋政令之所由  
宣選舉之所由定罪賞之所由正斯乃文昌天府眾務  
淵藪內外所折衷遠近所稟仰故李固云陛下之有尚  
書猶天之有北斗北斗為天喉舌尚書亦為陛下喉舌  
斗斟酌元氣運平四時尚書出納王命賦政四海賦布也  
令及左丞總領紀綱無所不統僕射及右丞分掌廩假  
錢穀隋志曰令統領之僕射副令又與尚書分領諸曹漢初尚書雖有曹名不  
以為號及靈帝以侍中梁鵠為選部尚書於是始見曹  
名總謂之尚書臺亦謂之中臺吳諸葛恪既定山越孫  
軍曰故遺中臺近大事八座連名而有不合得建異議  
官迎致鵠賜云

自順帝永建元年初令三公尚書蔡質  
入奏事其八座具歷代尚書中漢儀  
曰凡三公列卿將大夫五營校尉行復道中遇尚書令  
僕射左右丞郎御史中丞侍御史皆引車先相迴避衛  
士傳不得近臺官臺官過乃得去至晉宋以魏置中書  
來尚書官上朝及下禁斷行人猶其制也  
省有監令遂掌機衡之任而尚書之權漸減矣晉以後  
所掌略同八座丞郎初拜並集都省交禮遷職又解交  
本漢制也至於晉宋惟八座解交丞郎不復解交也梁  
果遷尚書殿中曹郎拜日八座丞郎並到宋曰尚書寺  
上省交禮而果至晚不及時則坐免官  
居建禮門內亦曰尚書省令若闕則左亦謂之內臺每  
八座以下入寺門生隨入者各有差不得雜以人士凡  
尚書官大罪則免小罪則遣出遣出者百日無代人聽

尚書總載

還本職宋顧琛為庫部郎以顧頊寄尚書張茂度聞名而頊與同席坐琛坐此遣出又宋制曰今朝  
十詣三公尚書丞郎詣令僕射尚書丞郎並門外下車履度門闕乃納履也其令及二僕射  
出行分道之制與中丞同令僕各給威儀十八人說在御史  
大夫自晉以後八座及郎中多不奏事梁天監元年詔  
曰自禮闈陵替歷茲永久郎署備員無取職事糠粃文  
案貴尚虛閑空有趨墀之名了無握蘭之實曹郎可依  
昔奏事自是始奏事矣又詔尚書中有疑事先於朝堂  
參議然後啓聞舊尚書官不以為贈惟朱异卒特贈右  
僕射武帝寵之故也周捨問劉杳尚書官著紫荷相傳云杳簪筆事武帝數十年注云自魏晉重中書之官居  
囊橐也近臣簪筆以待顧問

喉舌之任則尚書之職稍以疎遠至梁陳舉國機要悉  
在中書獻納之任又歸門下而尚書但聽命受事而已  
後魏天興元年置八部大人於皇城四方四維面置一  
人以擬八座謂之八國各有屬官分尚書三十六曹及  
諸外置令大人主之崔元伯通晉三十四年又復尚書  
三十六曹天賜元年復罷尚書三十六曹別置武歸修  
勤二職分主省務武歸比郎中至神麤元年始置僕射  
左右丞及諸曹尚書十餘人各居別寺舊例尚書簿諸  
城王澄為尚書時公車署以理冤事奏請直案澄執奏  
以為尚書政本特宜遠慎故凡奏所事關道通之蓋以  
秘要之切防其宣露寧有古制所重今反北齊尚書省  
設官部

亦有錄令僕射總理六尚書事謂之都省亦謂之北省  
 後濟北王以太子監國立大都督府與尚書省分理衆  
 事仍開府置佐顯相特崇此官以隋王守侍中攝大都督府長史後周無尚書  
 隋及唐皆有其制略同凡尚書省事無不總龍朔二年  
 改尚書省為中臺咸亨初復舊光宅元年改為文昌臺  
 垂拱元年改為都臺長安三年又改為中臺神龍初復  
 為尚書省亦謂之省臺都堂居中左右分司舊尚書令有大都堂  
 都堂之東有吏部戶部禮部三行每行四司左司  
 統之都堂之西有兵部刑部工部三行每行四司右司  
 統之凡二十四司分曹共理而天下之事盡矣故事叔父兄弟

不許同省為郎官格令不載亦無正救貞觀二年十  
 月章叔謹除刑部員外三年四月章季武除主爵郎中  
 其年七月章叔請除庫部郎中太宗謂曰知卿兄弟並  
 在尚書省故授卿此官欲成一家之美無辭附屈階資  
 其後同省者甚多近日非恩除拜即須相避當以準  
 今同司曹判及公檢之官不得用大功以上親若制救  
 受者即申所司從早改擬遠同別省亦罷也左右僕射各一人總省事左丞一  
 人禮部十二司事右丞一人工部十二司事左右司郎  
 中各一人員外郎各一人各掌副左右丞尚書六人戶吏  
 禮部各一人刑工六侍郎九人吏部戶部兵部各郎中二十八  
 人吏部戶部兵部刑部各二人餘員外郎二十九人戶吏  
 兵刑四部及司勳各二人餘都事六人以下各  
 各一人并左右司共三十一人有差

文獻通考曰五代時尚書都省在興國坊今梁太祖舊

第宋太平興國中徙於利仁坊孟昶舊第頗弘麗中設都堂左右司左右丞郎中員外郎廳東西廊分設尚書侍郎廳事二郎中員外廳事六掌施行判命舉省內綱紀程式受付六曹文書聽內外辭訴奏御史失職考百官府之治以詔廢置賞罰曰吏部曰戶部曰禮部曰兵部曰刑部曰工部皆隸焉凡天下之務六曹所不能與奪者總而沒之應取裁者隨所隸送中書省樞密院事有成法則六曹準式具鈔令僕射丞檢察僉書送門下省畫間審察吏部注擬文武官及封爵承襲賜勳定賞之事朝廷有疑事則集百官議其可否凡更改申明敕

令格式一司條法則議定以奏覆太常考功謚議亦如之季終具賞罰勸懲事付進奏院頒行於天下大祭祀則誓戒執事官設官九尚書令左右僕射左右丞左右司郎中員外郎各一人分房十曰吏房曰戶房曰禮房曰兵房曰刑房曰工房各視其名而行六曹諸司所上之事曰開拆房主受遣文書曰都知雜房主行進制敕自班簿具員考察都事以下功過遷補曰催驅房主考督文牘稽違曰制敕庫房主編檢敕令格式簡納架閣文書 紹聖二年詔在京官司所受傳宣內降隨事申尚書省或樞密院覆奏又詔尚書都省彈奏六察御史

糾不當者 事文類聚曰宋初鑒藩鎮之弊以尚書郎曹出領外寄尚書侍郎郎中員外郎皆為空官往往他官兼領熙寧詔新官制以六曹尚書侍郎為長貳元祐置權尚書 續文獻通考曰宋度宗咸淳八年起居舍人高斯得奏六曹尚書選用宜在得人其略曰尚書猶天之有北斗為天喉舌斟酌元氣運乎四時信乎其為天下樞要也其長官則有令有僕射漢或以大將軍領尚書事其下有左右丞有六曹尚書蓋以萬機之繁故眾建官屬以綜理之章宗時韋彪上疏謂天下樞要在於尚書間者多從郎官超陞此位彪特指六曹尚書耳

若錄公及令僕乃百僚之長非彪之所指也是時諸尚書多以苛刻為能故又云天下樞要在尚書今超陞此位者徒曉習文法察察小慧而無大能夫樞要之地必忠厚純實知國家大體者然後可以綜理萬務補偏救弊為國家輯安靜和平之福消苛澆刻覈之風也今之彌綸省局者固亦得人然韋彪所言或尚有之又徘徊觀望不敢剴浚使樞要之地壅塞不通此今日之大患也 遼南面尚書省太祖嘗有左右尚書其後更設曰尚書令曰左僕射曰右僕射見宰相目曰左丞曰右丞曰左司郎中曰右司郎中曰左司員外郎曰右司員外郎



金初尚書省設尚書令一員正一品總領紀綱儀刑端  
 揆左丞相右丞相各一員從一品平章政事二員從一  
 品為宰相掌承天子平章萬機見宰相目左丞右丞各一員  
 正二品參知政事二員從二品為執政官為宰相之貳  
 佐治省事見宰相目左右司郎中員外郎各一員制見尚書左右司郎中  
 郎中為定制 廢帝正隆二年九月罷尚書省直省令  
 史出為外官 元世祖至元七年立尚書省八年并入  
 中書二十四年復置詔天下除行省與中書議行餘并  
 聽尚書省從便以閏二十八年復罷武宗至大二年復

立四年復罷入中書省 明初置六尚書非古也自秦  
 變周法天下之事皆決丞相府置尚書於禁中有令丞  
 掌通章奏而已漢初因之職屬少府成帝時始置尚書  
 五人是為五曹及後漢光武親總吏職天下事皆上尚  
 書與人主參決乃下三府尚書令為端揆之官又分為  
 六曹凡庶務皆會而決之以後職權益重部分日詳魏  
 有五尚書晉有六尚書渡江以來定為吏部祠部五兵  
 左民度支凡五尚書歷宋齊梁陳又加都官凡六尚書  
 類隨宜建置無有常典惟隋制準為吏戶禮兵刑工六  
 部尚書歷唐宋相因不改然較之周官六典猶有未盡

設官部

協者蓋周典六卿分職不相混壓而隋唐宋則為尚書省之屬官故結銜云尚書某部某官其稱尚書者省名也明初因前代之制置中書省設左右丞相等官天下政事皆由之出其屬有四部分治錢穀禮儀刑名營造之務太祖洪武元年始置吏戶禮兵刑工六部俱正三品衙門定尚書正三品侍郎正四品仍屬中書省至十三年鑒丞相胡惟庸等壅蔽革中書省於是中書之政分於六部又分大都督府為五而攝其樞要於兵部陞尚書正二品左右侍郎正三品雖並稱政府而名位不極事權不專天子之威福無下移蓋隱然周世六官之

職而獨冢宰不制國用司徒不掌邦教以此小異耳弘正以還內閣日益重而六尚書日益輕然老臣勲業稍重加三孤東宮三師若吏兵之長猶能與之抗至分宜之得政江陵之當國則部臣唯唯聽命矣

尚書總裁二

**原**初學記按敘尚書秦置也天文志斗魁六星曰文昌

天府漢因之漢猶隸少府魏晉以後故尚書為中臺謁

者為外臺御史為憲臺謂之三臺齊職儀云魏晉宋齊並曰尚書臺五代史志云梁陳後魏北齊隋則曰尚書省又韋昭辨釋名曰尚上也言最在上總領之也辨

云尚猶奉也百官言事當省案平處奉之故曰尚尚食  
尚方亦然 應劭漢官儀曰尚書唐虞官也書曰龍命  
汝作納言朕命惟允 漢明帝詔曰尚書蓋古之納言  
出納朕命機事不密則害成可不慎歟 漢書百官表  
曰成帝罷中書官初置尚書員五人如淳曰主天子文  
書曰尚書如主壻曰尚主 桓子新論曰昔堯試舜於  
大麓者錄天下事如今之尚書官矣宜得大賢智乃使  
處議持平焉 謝承後漢書曰朱穆為尚書讜言正直  
華嶠後漢書韋彪疏曰欲急民所務當先除其患其  
原在尚書典樞機天下事一皆浚之不可不察 東觀

漢記曰章帝東巡過任城乃幸鄭均舍敕賜尚書祿以  
終其身故時人號為白衣尚書 魏志曰陳羣為尚書  
制九品為官人之法羣所建也 王昶考課事曰尚書  
侍中考課一曰掌建六材以考官人二曰綜理萬機以  
考庶績三曰進視惟允以掌讜言四曰出納王命以考  
賦政五曰罰法以考典刑 齊職儀曰尚書六人品第  
三秩六百石進賢兩梁冠納言絳幘朝服佩水蒼玉執  
笏負荷

尚書總載三

中臺

上省

上詳前敘 十洲記曰崇禮門在東掖門內路西即尚書上省崇禮門之東建

尚書總載

禮門內即尚書 天府 仙臺 漢上詳前敘 司馬彪續

今下舍之門 仙臺 漢上詳前敘 司馬彪續

客館動秋光 仙臺 漢上詳前敘 司馬彪續

所左丞表璠 仙臺 漢上詳前敘 司馬彪續

李充懷愁賦 仙臺 漢上詳前敘 司馬彪續

遙夜兮直崇 仙臺 漢上詳前敘 司馬彪續

左丞彈八座 仙臺 漢上詳前敘 司馬彪續

之管轄 仙臺 漢上詳前敘 司馬彪續

畫古烈士 仙臺 漢上詳前敘 司馬彪續

重行書讚 仙臺 漢上詳前敘 司馬彪續

大計計官 仙臺 漢上詳前敘 司馬彪續

尚書矣 仙臺 漢上詳前敘 司馬彪續

衆收舌 仙臺 漢上詳前敘 司馬彪續

帝分增三公 仙臺 漢上詳前敘 司馬彪續

曹主選舉祠 仙臺 漢上詳前敘 司馬彪續

羌胡朝賀二 仙臺 漢上詳前敘 司馬彪續

公為六曹并 仙臺 漢上詳前敘 司馬彪續

禮即古六卿 制法九品 魏志曰魏世事統臺閣重

六卿之任也 魏志曰魏世事統臺閣重

謝承後漢書 魏朗謬諤 荀

緄寬敏 魏朗謬諤 荀

直道而行 魏朗謬諤 荀

厚妙選德望 魏朗謬諤 荀

任之尚樸素 魏朗謬諤 荀

興矣 魏朗謬諤 荀

可尚書古之 魏朗謬諤 荀

典耳拔升清 魏朗謬諤 荀

班常伯此官 魏朗謬諤 荀

觴謂羣臣曰 魏朗謬諤 荀

莫不仰羨 魏朗謬諤 荀

塞之節宜擢喉舌之官由是拜尚書

尚書總載四

**原**唐虞曰納言周官為內史漢官解詁云唐虞曰納言周官為內史機事所總號

令倣管主喉舌尚書注曰納言王之喉舌見揚

典機密應劭漢官儀云尚書唐虞統庶事應劭云侍

萬機無不理尚書統萬事之本尚書萬事起居注詔曰

庶事官人垂法憲萬事之本尚書萬事起居注詔曰

責成也而虞秩儉薄甚非治體今雖軍國多費不為

元凱惜祿其依令僕給尚書各親信五十人虞賜

八座之任晉書蔡謨為尚書上疏讓曰八座之任非賢

清節令才少著名望臣守小郡名輩不同階級殊懸今

猥以輕鄙超倫踰等上亂聖朝魚貫之序下違羣士準

平之論豈惟微臣其亡之士之權貴漢官解詁云士

戒實昭聖政惟塵之累士之權貴漢官解詁云士

書士之樞機皇甫謐集云尚書出入王命尚書子曰

入王命喉補我袞闕摯虞尚書箴曰山甫輔周靡

舌之任也補我袞闕剛靡柔補我袞闕我皇猷

八元八凱左傳云昔高陽氏有才子八人蒼舒璜鼓檣

篤誠天下之民謂之八凱高辛氏有才子八人伯奮仲

堪叔獻季仲伯虎仲熊叔豹季狸忠肅共懿宣慈惠和

天下之民謂之八元齊職儀曰舜舉八元八凱今號八

座為元凱謝靈運晉書曰八座參攝百揆古元凱之任

尚書總載五

**原**箴漢揚雄尚書箴曰允敕百工命作齋慄龍惟納言

樞機是密出入王命王之喉舌獻善宣美而讒說是折

我視云明我聽云聰載夙載夜惟允惟恭故君子在室

出言如風

設官部

尚書總載

二

**原誄** 晉潘岳庾尚書誄曰寬而能懷威而不猛化行如形民應如影瞻瞻虛坐翩翩元幕几筵生塵空館寥廓盧謨尚書武強侯盧府君誄曰謨罪重五嶽疊深四海身不灰滅延於家門方今斬焉在疚死已無日大懼先意遺烈將墜乎地罔極之哀終不宣寫是以忍在草土之中撰述平素之迹曰篤生我君天挺賢俊弘闡大風光隆洪肩蔚矣其姿綽乎其韻天不予晉厄運時臻陽九之會雖聖莫振君實振惶國難是圖跋履山川東征西徂方協遐任言復皇輿不見楚申致命郢都往古來今自遠及近凡在喪規猶思俱殞况我荼毒靡經不

盡日月逾邁寒暑代遷恩慈彌遠窮思日纏撰述遺迹臨文煩冤

**原銘** 梁張纘故左民尚書忠子沈僧旻墓誌銘曰漸東振古龜組三襲政若解繩吏如燥濕十升龍管四至九卿居高首暎比德腰明

**原表** 梁沈約讓五兵尚書表曰臣聞百舍之趙非宿春所資千里之越豈一葦能泝何者裝輕適於路遠舟弱疲於濟深醜貌頽容不藉鑿於溜水鴛足蹇步終取躓於鹽車丘遲為范尚書拜表曰昔滕公移晷於泗亭陳遂留權於博進祿止一守官窮九列臣獲照秋陽取

沃淮海發蒙去矣已若松喬匪富伊榮須臾至此賞參  
十亂躬越五水歷覽前載孰與爲匹 蕭子範爲兄宗  
正讓都官尚書表曰納言之授皇命所由五星懸曜差  
池紫宮之曲百官根本聯曹建禮之內孔蔡詣博垂芳  
於兩京陳鍾令才比肩於魏世逃望前英俯循庸薄義  
無尸素理絕祗奉 徐陵讓五兵尚書表曰臣聞仲尼  
大聖猶云書不盡言士衡高才常稱文不逮意臣比衰  
疴自積思緒茫然頗託朋遊爲裁章表雖復陳琳健筆  
未盡愚懷孫惠辭人頗加煩飾所以高天緬邈弗降昭  
回瞻拜絲綸更增憂憊臣雖不敏弱冠登朝伊昔承華

豫遊多士晚逢興運爰濫寵私爾時四郊多壘七雄分  
爭國家制度日不暇給趙宮論受命之宜隨邑奏升壇  
之禮而參聞祕計弗解單于之兵飛箭馳書未動聊城  
之將不期枚乘老叟忽降時恩馮唐暮年見申明主擢  
宰京邑朝坐棘林遂致洛陽無雨非比長安多盜其宜  
屏銅用寘嚴科猶處名僚久爲叨竊但著書天祿雖如  
劉向朝望登朝轉同王隱其於朽劣尚可從容司會文  
昌邈然非據

錄尚書一

原漢武帝時左右曹諸吏分平尚書奏事知樞要者始

領尚書事張安世以車騎將軍霍光以大將軍王鳳以

張安世領尚書事

大司馬師丹以左將軍並領尚書事

周密自著每言大政已沒輒病移出聞有詔令乃驚使

吏之丞相府問焉自朝廷大臣莫知與議也又孔光

字子夏領尚書事凡典樞密十餘年守法度修政事不

希苟合問溫室省中樹皆何木也光荅以他語其謹密

此如後漢章帝以太傅趙熹太尉牟融並錄尚書事尚書

有錄名蓋自熹融始亦西京領尚書之任唐虞大麓之

職也和帝時太尉鄧彪為太傅錄尚書事位在三公上

漢制遂以為常每少帝立則置太傅錄尚書事猶占冢

宰總己之義薨輒罷之

鄧彪錄尚書事後以老病上還

樞密職又李固張禹張防並

錄尚書事自魏晉以後亦公卿權重者為之職無不總

晉康

帝時

何充讓錄表曰咸康中分置三錄王導錄其一荀崧陸

曄各錄二條事晉江右有四錄則四人參錄也江右

張華江左庾亮並凡重號將軍刺史皆得命曹授用惟

不得施陳及加節宋孝武建中不欲威權外假省錄

大明末復置此後或置或省齊世錄尚書及尚書令並

總領尚書臺二十曹為內臺主行遇諸王以下皆禁駐

號為錄公齊明帝為宣城王錄尚書廢帝昭高帝崩遺

詔以褚彥回錄尚書事江左以來無單為錄者有司擬

立優策王儉議宜有策書乃從之

王儉議以為見居本

官別拜錄推理應有

策書而舊事不載中朝以來三公王侯則優策並設官

品第二策而不優優者褒美策者兼明委寄尚書職居

天官政化之本故尚書令品雖第三詳必有策錄尚書

品秩不見而總任彌重前代多與本官同拜故不別有



策即事緣情不容均之凡僚宜有策書  
用中重寄說異王侯不假優文從之北齊錄尚書一  
人位在令上掌與令同俱不糾察自隋而無

錄尚書二

**原**應劭漢官儀章帝詔曰司空牟融典職六年勤勞不  
怠其以融為太尉錄尚書 又和帝策書曰故太尉鄧  
彪元公之族三讓彌高海內歸仁為羣賢首其以彪為  
太尉錄尚書事百官總己以聽 又殤帝策書曰司徒  
徐防以臺閣機密施政牧守其以防為太尉錄尚書事  
百官總己以聽 又沖帝策書曰太尉趙峻二世常典  
機衡有匪石不貳之心大司農李固公族之苗忠直不

回今以峻為太傅固太尉參錄尚書事 又靈帝策書  
曰故太尉陳蕃忠亮謇諤有不吐不如之節司徒胡廣  
惇德允元五世從政今以蕃為太傅與廣參錄尚書事  
王隱晉書曰賈充為太尉錄尚書五年伐吳為大都  
督吳平上遣侍中程咸犒勞增邑八千戶 晉中興書  
曰明帝后庾氏為皇太后九月癸丑皇太后臨朝稱制  
司徒王導錄尚書事 又太初元年詔曰會稽王體道  
沖虛識理明允登顯親賢國之典也其以為丞相錄尚  
書入朝不趨贊拜不名劔履上殿 沈約宋書曰高祖  
永初三年尚書令揚州刺史徐羨之為司空錄尚書事

又曰孝武帝即位以大將軍江夏王義恭為太尉錄尚書事 又曰諸公錄尚書事古制也王肅解尚書納于大麓曰堯納舜於尊顯之官使大錄萬機之政案漢氏諸吏平尚書奏事後霍光以大司馬大將軍平尚書事 傅暢故事曰何劭王戎張華裴楷楊濟和嶠為愍懷太傅通省尚書事張華為光祿大夫尚書七條事皆諮而後行惠帝之世太保衛瓘太宰河間王顥太傅東海王越皆錄三省尚書祕書事

錄尚書三

**原錄六條**

晉中興書云會稽文孝王以錄尚書六條開府領司徒又領揚州錄尚書事公卿奏進位

丞相揚州牧 黃鉞羽葆

參七牒

沈約宋書晉惠帝初使尚書七牒大事經關張華有異得不識

宜參機衡

晉起居注云元康元年誅楊駿詔曰司徒

勳庸著在方策宜參弼機衡

宜贊朝政

又太興二年

尚書給班劍六十人

初總萬機

王隱晉書云司馬景

郎都督中外諸軍錄尚書事

恒總萬機

晉中興書

初總萬機正身平法朝政肅然

恒總萬機

王遵為驃

騎揚州領中書監錄尚書事

恒總萬機

王遵為驃

賊平不奔喪又中丞熊遠尚書周顥等以署過其事

職典樞機外內

處羣

為有司所奏遵上疏請免錄中宗令

職典樞機外內

處羣

無間漢書張安世拜大司馬車騎將軍領尚書

處羣

處羣

僚右眾望漸服

桓焉太傅入授

漢書桓

既無戚容又無喜色神守舉

桓焉太傅入授

漢書桓

止有如平日由是眾望漸服

桓焉太傅入授

漢書桓

設官部

錄尚書

錄尚書

附錄卷七十三

錄尚書

錄尚書

馬明經篤行有名稱以尚書授安帝拜太傅錄尚書復  
入授順帝於禁中因宴見奏官引三公尚書入省事天  
子從 李固太尉參錄 詳太尉 司馬元顯為西錄 晉書  
馬道子日飲醇酒而委事於司馬元顯既而孫恩乘豐  
作亂加道子黃鉞元顯為中軍以討之又加元顯錄尚  
書事然道子政無大小一委元顯時謂道子為東錄  
元顯為西錄西府車騎填奏東第門下可設雀羅矣  
桓元遙錄尚書事 晉中興八年桓元用事出  
鎮姑孰雖名在外實遙錄尚書事也

錄尚書四

**原表**齊謝朓明帝拜錄尚書表曰升降玉階對揚休命  
六轡在手千里何借司會天官之統尚書百僚之本弘  
之即庶績惟凝替之則彝倫斯斲修身踐言本慙五美  
果行育德未階六正妄屬負圖之寄多謝五仁之績操

檜檝於龍澤荷梓梁於雲構無以輔位明堂遺像麟閣  
**原啓**陳徐陵安成王讓錄尚書表後啓曰臣聞間平就  
國乃盛漢之常儀邠霍無官實宗周之明典何則皇季  
之重非待歷階王爵之隆自高羣辟况臣戢翼要荒亟  
離寒暑進慙趙勝能定楚從退匪齊文馳免秦厄固以  
內切皇心外貽家恥甘輸重餌降禮單于迺城十五如  
請和僻市鄉三十聊同寶劔武夫力而獲諸原微臣還  
而反諸敵瞻言馬駿著隴右之功追念曹彰克烏丸之  
鹵前王子弟若此勲庸偏其反而豈可勝媿

尚書令一

設官部

尚書令

**原**杜氏通典曰殷湯制官有冢宰伊尹制官三公攝冢宰君薨則百官總已以聽於冢宰周之冢宰為天官掌邦之理六卿之職總屬焉於百官無所不主至秦置尚書令尚主也漢因之銅印青綬武帝用宦者更為中書謁者令成帝去中書謁者令官更以士人為尚書令時弘恭石顯相繼為中書令專權邪僻前將軍蕭望之領尚書事建言以為尚書百官之本國家樞機宜以通明公正者處之武帝遊宴後庭故用宦者非古之制也宜罷中書宦者後漢眾務悉歸尚書三公但受成事而已尚書令主尚書曹奏下眾事而為臺主與司隸校尉御史中丞朝會皆專席而坐京師號曰三獨坐故公為令僕射者朝會不陞奏事天子封禪則尚書令

奉玉牒檢兼藏封之禮

郭伋遷尚書令處職機密數納忠諫陳忠為尚書令前後所

奏悉條於南宮閣上以為故事郭賀字喬卿為尚書令前所  
左雄字伯豪為中書令自雄在尚書天下不敢謬選十  
餘年間稱為得人自雄掌納言多所正肅荀彧字文  
若為尚書令居中持重焚毀故案奇策密謀不  
得盡聞又舉荀攸可以代已後攸為尚書令  
魏晉印  
綬與漢同受拜則策命之以在端右故也  
太熙元年詔曰夫總百揆  
之得失管王政之開塞者端右之職也  
是以自漢以來慎選其人議郎王戎可為尚書令  
又熊遠啓曰伏見荀勗為尚書令復領州牧自三代以  
魏晉以下任總來未聞以納言之官而出領牧伯者  
魏晉以下任總  
機衡事無大小咸歸令僕  
宋孝武元年詔曰尚書百官曹局司有任自頃事無巨細悉歸令僕  
非齊梁舊用左所以詔能濟業更可明體制責厥成也  
僕射美遷司空  
謝朓字敬仲徵為司徒尚書令朓辭脚疾不堪朝謁仍角中白與詣雲龍門謝

設官部

尚書令

尚書令

七

既見乘小梁陳並有之後魏北齊掌彈紉見事與御史

輿就席中丞更相廉察隋亦總領眾務唐尚書令朝服驚冕八

旒七章三梁冠武德初太宗為秦王時嘗居之其後人

臣莫敢當故自龍朔三年制廢尚書令至廣德中郭子儀勳業既盛乃

特拜焉于儀以文皇帝曾居此位固讓不敢受

**增**初學記曰案敘尚書令者

秦官漢因之漢官云漢初並用士人為尚書令秩二千

石後漢書百官志云尚書令一人本注曰承秦所置荀

綽晉百官表注曰尚書令唐虞官也毛詩云仲山甫

出納王命王晉公卿禮秩云尚書令拜則冊命薨則於

朝堂發哀五代史百官志云尚書令至梁加秩中二千

石漢官云尚書令秩二千石公為之增置二千石秦漢

秩有比二千石二千石真二千石中二千石凡四等

比二千石月得粟百石二千石月得粟百二十石真二

千石月得粟百五十石其下三等雖號二千石其數實

不至也唯中二千石月得粟百八十石率一歲得粟二

千一百六十石中猶滿也言其滿二千石然則古三石

今一石耳至陳加品至第一其後並因之而不改自魏以來

並第齊職儀曰秦漢之世委政公卿尚書之職掌

於封奏令贊文書僕射主開閉令不在則僕射奏下其

事魏主重內職八座尚書任同六卿舜舉八元八凱以

隆唐治今號八座為元凱謂曰賢能用事義如昔也

**增**文獻通考曰今在唐為正二品朱梁置為正一品宋

淳化三年升在三師上掌佐天子議大政奉所出命令

而行之其屬有六曹凡庶務皆會而決之凡官府之紀

綱程式無不總焉大事三省通議則同執政官合班小事尚書省獨議則同僕射丞分班輪奏若事由中書門下而有失當應奏者亦如之與三公三師侍中中書令俱以冊拜自建隆以來不除惟親王元佐元儼以使相兼領不與政政和二年詔尚書令太宗皇帝曾任今宰相之官已多不須置宣和七年設復置令亦虛設而已容齋洪氏隨筆曰中書尚書令在西漢時為少府官屬與太官湯官上林諸令品秩略等侍中但為加官東漢亦屬少府而秩稍增尚書令為千石然銅印墨綬雖居機要而去公卿甚遠至或出為縣令魏晉以來浸以

華重唐初遂為三省長官居真宰相之任猶列三品大曆中乃升正二品入國朝其位益尊班敘至在太師之上然只以為親王及使相兼官無單拜者見任宰相帶侍中者才五人范公質趙韓王普丁晉公謂馮魏公拯韓魏王琦尚書令又最貴除宗王外不以假人趙韓王韓魏王始贈真令韓公官止司徒及贈尚書令乃詔自今更不加贈蓋不欲以三師之官贅其稱也政和初蔡京改侍中中書令為左輔右弼而不置尚書令以為太宗皇帝曾任此官殊不知乃唐之太宗為之故郭子儀不敢拜非本朝也續文獻通考曰遼南面尚書省嘗

有左右尚書其後更設曰尚書令 金尚書省設尚書令一員正一品 元世祖至元七年立尚書省後并入中書 事文類聚曰元尚書令一人正一品 明無尚書令官

尚書令二

**原**漢書曰張安世字子孺少以父任為郎因善書令給事尚書精力於職休沐未嘗出上行幸河東亡書三篋詔問莫能知惟安世識之具作其事後購求得以相校無所遺失上奇其才擢尚書令 東觀漢記曰侯霸為尚書令深見任用樊准為尚書令明習漢家舊事周密

畏慎申屠剛為尚書令蹇蹇多直言無所屈撓 又曰永平七年宋均徵為尚書令忠正直言數納策謀每駁議未嘗不合上意 張璠漢書曰左雄為尚書令限年四十先試經然後舉孝廉 續漢書曰陳蕃出為豫章太守性方峻不接賓客徵為尚書令送者不出郭門 後漢鄭弘為尚書令前後所有補益於政者皆著之為南宮故事 漢雜事曰尚書黃香為東郡太守乞留宿衛拜為尚書令秩二千石 漢官儀職曰尚書令主贊奏總典綱紀無所不統秩二千石 百官表曰尚書令是謂文章天府銅印墨綬五時朝服納言饋進賢兩梁

設官部

開監頁內卷二十一

尚書令

冠佩水蒼玉總攝諸曹出納王命敷奏萬機 魏志曰  
明帝即位進陳矯為尚書令車駕常幸至尚書門矯跪  
曰陛下何之帝曰欲案行文書耳矯曰此自臣職分非  
陛下所宜臨也若臣不稱其職則請就黜退陛下宜還  
帝慙迴車而返 又曰太祖進荀彧為漢侍中守尚書  
令 又曰裴潛為尚書令奏正分職簡名實出事使斷  
官府者百五十餘條 費禕別傳曰禕代蔣琬為尚書  
令以朝晡聽事其間接納賓客加之博奕每盡人之歡  
後董允代之旬日之間事多讐稽允曰人之才力相懸  
若此 曹羲九品議曰尚書尊官也龍作納言易曰樞

機之發榮辱之主漢和帝時南陽左雄為尚書令在位  
者各自肅清時稱曰左伯豪為尚書天下皆慎選舉  
舉所知自其職也 山濤啓事曰尚書令李膺遷處缺  
宜得其人征南將軍羊祜體儀玉立可以肅整朝廷  
王隱晉書曰樂廣為尚書令所在無當時之功譽然為  
後人所思 又曰咸寧二年李膺為尚書令雖歷職內  
外家室至貧儉兒病無以市藥上賜錢十萬 魏氏  
春秋荀攸字公達為尚書令從太祖征伐常謀謀帷幄  
時入對子弟莫知其所言太祖每稱之曰公達外愚內  
智外怯內勇外弱內強不伐善無施勞知可及愚不可



及雖顏回甯武子不能過 又曰文帝在東宮太祖謂曰荀公達人之師表也汝當盡禮敬之彼曾病世子問疾獨拜牀下其見尊異如此 晉書荀勗守尚書令課試令史以下覈其才能有闇於文法不能波疑處事者即時遣出帝嘗謂曰魏武帝言荀文若之進善不進不止荀公達之退不肖不退不休二令君之美亦望於君也 宋書武帝踐阼王瑩遷尚書令時有猛獸入郭上意不悅以問羣臣皆莫能對瑩在御筵乃斂版對曰昔擊石拊石百獸率舞陛下應錄御圖武象來格帝大悅衆咸服焉 唐書廣德元年代宗以親賢有大勲特拜

尚書令 太平廣記載五代史梁開平三年詔外尚書令為正一品按唐典尚書令正二品至是以將授趙王鎔此宮故外之 續文獻通考曰遼蕭思話以女冊為后加尚書令封魏王

尚書令三

八座 三獨 上詳尚書總 專席 迴車 上詳通典

黑輅 絳服 徐廣車服儀制曰尚書令輅 方峻

博朗 上詳前二 舉朝憚 上詳前二 黑耳車 彤管珥 上詳

在位肅 納言幘 進賢冠 前二 黑耳車 彤管珥 上詳

尚書令 進賢冠 前二 黑耳車 彤管珥 上詳

注 應璩新詩曰彤管 明習故事 識了舊典 前上詳

領 熊遠 趙瑞 表武弁 伏見吏部以太尉荀組為尚書令 勤力

憂公 推賢進士 東觀漢記云黃香拜尚書令勤力憂

益信後世 魏尚書令推賢進士太祖曰二荀令之論人

不忘也 明審選舉 拔擢英俊 後漢羊陟字嗣祖

舉 旌賢退惡 又云衛良字叔賢拜尚書令每選舉常

先 諮訪 拔擢 天下 英俊 及二千石 長吏 必依功 次用之

遠 嫌 疑 猶 後 他 州 也 費 禕 識 悟 衛 瓘 嚴 整 別 傳

悟 過 人 每 省 讀 書 記 舉 日 暫 視 已 究 其 意 旨 其 速 數 倍

於 人 終 亦 不 忘 王 隱 晉 書 云 衛 瓘 拜 尚 書 令 若 掾 屬

中 性 嚴 整 以 法 御 下 視 尚 書 若 參 佐 尚 書 郎 若 掾 屬

者 任 總 機 衡 魏 晉 以 下 迴 天 子 車 受 世 子 拜 上 陳 矯

荀 攸 事 北 斗 尊 三 台 隔 楊 誠 齋 送 顏 尚 書 北 斗 尊

星 辰 北 斗 尊 三 台 只 隔 寸 雲 間 周 才 包 武 庫 位 冠

家 宰 均 四 海 漢 制 尚 書 本 百 官 無 所 不 有 當 時 號

文 昌 為 杜 武 庫 武 后 光 宅 改 尚 書 省 為 文 昌 臺

司 喉 舌 領 搢 紳 杜 甫 詩 北 斗 司 喉 舌 東 方 領 搢 紳

公 神 宇 荀 令 異 香 蜀 志 蔣 琬 為 尚 書 令 時 諸 葛 武 侯

無 喜 色 神 宇 端 然 詳 錄 尚 書 下 襄 陽 耆 舊 紫 極 八

傳 曰 劉 季 和 云 荀 令 君 至 人 家 坐 處 三 日 香 紫 極 八

座 丹 屏 六 曹 唐 授 李 承 嘉 尚 書 制 曰 紫 極 八 座

尚 書 令 四 非 德 莫 居 丹 屏 六 曹 惟 賢 是 授

原 古 之 冢 宰 晉 公 卿 禮 秩 云 尚 書 令 古 之 冢 宰 荀 勗 集

云 昔 六 官 所 掌 冢 宰 為 首 秦 公 卿 贊 以 丞

尚 書 令

相御史為冠今者尚書令總周之冢宰曹嘉之晉紀

此三者非臣駕閣所宜忝竊周之冢宰

采惠時熙帝之載實允於此勗肆力先朝庫勳超格受

故受以此協於大麓憲範王猷

尚書令國之總司總括百揆憲範王猷

式是羣辟故必簡德而拔量才而授明習漢制書

孔光為博士選三科高第為尚書觀故事品式數歲明

習漢制及法令上其信任之轉為僕射尚書令有詔光

未嘗有過百揆之首晉起居注武帝詔曰尚書令百

經遠之所由也車騎將軍賈充忠允清正通理端右之

重晉書王恭傳云司馬道子集朝士置酒於東府尚書

藩王之第而肆淫歌欲令掌曹文書

羣下何所取則石深銜之後漢侯霸拜尚書令一人掌凡

選署及奏下尚條奏善政故典朝廷又少舊臣霸習

書曹文書眾事

明故事收錄遺文條奏前世善奏崇經術

政法度有益於時者皆施行之伯豪為尚

滿四十不得察舉若茂才異行不拘年齒帝從之浚

謨帷幄見波謨帷幄肅宗奇其智策擢為京兆尹

進善疾惡楊准字伯川拜尚書令秉心正直志在匡

-1 253 38 864" data-label="Text">

益晉中興書云刁協為尚書加金紫光祿

謝承後漢書云王防字文始為尚書令典在樞機竭忠

於國數陳便宜議判時政以補闕失言旨切直多見納

省

正身機密又云鄧儒字伯祖補尚書

晉中興書卞壺明帝時為尚書令與王導等俱受顧命

輔幼主成帝即位羣臣進壺司徒王導以疾不至壺正

色於朝曰王公豈社稷之臣耶大行在殯嗣皇未立

寧是人臣辭疾之時專任無敬事寢不行舉朝憚之

數犯顏色續漢書云申屠剛拜侍御史遷尚書令在尚

書數犯顏色正色百寮憚之常慕史鱗汲黯之

尚書令

尚書令

尚書令

為數有直言謝承後漢書云唐約字仲謙拜尚書開

美策每作表疏皆自手書之不宣於外處官不言貨

利之事當法不阿所私京師謠曰治身無嫌唐仲謙

號為補職華嶠後漢書云黃瓊遷尚

傳云又字伯陽為尚書令衆事無宿門無停實歷職內

外治身儉約謙靜少言為政簡而不煩號為清能

法刻深好用文俗吏故張修朝無秕政

居大位聲名損於郡縣張修朝無秕政

慎拜尚書令有故宮下卿刺史二千石為讒謗所廢者

以次徵用奏罷中宮貴臣子弟在官者國教肅清朝無

政周榮盡心奉職

沈勲名冠百僚會稽先賢傳曰沈勲字子異徵詣南

僚呂又節儉自守

之好以節謝石脚疾於府綜攝

儉自守謝石脚疾於府綜攝

疾不敢朝拜乞依故尚書于王述患脚於府攝事

彪之例於府綜攝詔從之軍國大事悉與籌焉

晉紀云王述不拜中書監患朝之大事無

荀或為漢侍中守尚書令常居中持重

不得判晉中興書琅邪王錄云王彪之字叔虎遷尚書

所不能決者咨之檀呼為筆公

飛白題尚書宋書王僧虔為尚書令嘗為飛白書

不已則迭是故去之宜疾當時嗟賞以比座右銘

尚書令五

原箴晉摯虞尚書令箴曰明明先王開國承家作制垂

憲仰觀列曜俯令百官政用罔憊昔舜納大麓七政以

齊內成外平而風雨不迷山甫翼周靡剛靡柔補我衮  
職闡我王猷王猷允塞而四海咸休雖曰聖明必賴良  
材無曰我智官不任能發言如絲其出成綸千里之應  
樞機在身世季道缺天綱縱替既無老成改舊法制法  
制不循不長厥裔尚臣司臺敢告侍衛初學作張華  
**原碑**後漢潘勗尚書令荀彧碑曰夫其為德也則主忠  
履信孝友溫惠高亮以固其中柔嘉以宣其外廉慎以  
為己任仁恕以察人物踐行則無轍跡出言則無辭費  
納規無敬辱之心機情有密靜之性若乃奉身蹈道勤  
禮貴德後之事間匪云予克然後教以黃中之歡守以

貞固之直注焉若洪河之源不可竭也確焉若華嶽之  
停不可拔也故能言之斯立行之斯成身匪隆污直哉  
惟清素綱用亂廢禮復經於是百揆時序王猷允塞告  
厥成功用俟萬歲

**表**後魏溫子昇代臨淮王彧謝封開府尚書令表曰  
臣道媿山東氣慙隴右激水弗功搏風無力但以平原  
帶地資緒極天發趾自高理翮以遠出臨侯服既乏刺  
舉之能入踐帝閭又無應對之美空復受戈清廟推轂  
朱門孝闕淚河功慙汗海大寶遠降橫草未樹顧以有  
涯願言知止 又為魏南陽王元寶炬讓尚書令表曰

臣聞立而托乘乃成致遠之功坐以運舟遂有利涉之用若以輕任重課憑虛責實雖欲自勤終焉靡效 梁范雲爲柳司空讓尚書令初表曰陛下繼明南面復垂顯錄增榮益觀豈測身限而露不廣海塵不增山微物知止敢忘自退誠以懷音感遇久妨彝序尸祿昧寵取蹈風歌中寐軫心方餐凝慮寧可冒釐綜之重負學製之談將玷朝徽匪伊身議 第二表曰臣聞聖人在上愚智無以息隱天下有道方圓歸其能是如以鴛蹇之才不致問於千里瓦礫之質佇待價於十城伏願陛下矜臣負乘之尤照臣匪飾之情迹言觀用允授上才斂

惠流恩曲蠲下第則雲序斯平彝章載穆 沈約拜尚書令到都上表曰竊位之譏允當斯責王命私請有事相傾油雲湛露徒降旻昊之德弱縞輕蟬不載丘嶽之重登階望席恍焉失步 北齊邢子才爲文襄皇帝讓尚書令表曰揚職萬機總任百揆懸衡庶物準納羣僚何以助日月之光華增天地之高厚反鑒取照匹此何難倒裳求領方之爲易 又表曰正以晝覽太山不假秋毫之察夜仰列宿豈藉燭龍之明爵人以世旣非盛德之舉公門有私故是陵夷之運 陳江總讓尚書令表曰臣弱歲立朝本無奇志每謂任登常伯足承基緒

值梁季不造收拙人間東竄三江南徂百越不知秦漢  
十有七年心跡退黜平生畢矣但野性疎嬾不屑死增  
俯仰乖時人物多忤天飛踐阼任寄隆重謬以商丘之  
木遂比舟楫之材燕岱之石混同瑚璉之器當由崇賢  
使舉早守名節竊以天府文昌萬方之藪天官冢宰無  
所不統禮尊三獨事昭百揆曠職云久三十餘載一日  
開置必資望實豈期廷典私偏濫庸菲薄陛下聽覽餘  
辰曲垂昭納遂斯反汗高選具瞻則敝蓋敝帷使臣暮  
齒歲制月制賒臣皓髮不以一怠

**原**冊文陳後主授江總尚書令冊文曰夫文昌政本司

會治經韋彪謂之樞機李固方之斗極況其五曹斯綜  
百揆是諧同冢宰之司專臺閣之任惟爾道業標峻宇  
量弘深勝範清規風流以為準的儒宗學府衣冠以為  
領袖故能師長六官具瞻允塞明府八座儀刑載遠其  
端朝握揆朕所望焉往欽哉懋建爾徽猷亮采我邦國  
可不慎歟

**原**啓陳江總除尚書令謝臺啓曰竊以昔之冢司今日  
端揆頃同台衮無人則闕臣之朽薄安可叨賁謹當奏  
承夜月冀奉三思之旨聲寄浮雲方祈九天之路 又  
除尚書令斷表後啓曰司會治本冢宰朝端搢紳所屬

儀刑攸在皇代以來無人則闕陛下將備厥職用穆臣僚不容始自庸菲以謹物議當今藩翰至戚不無其才廊廟重臣亦有其器伏願檢一作慎俞往之則闡平章之道臣公心布款有理存焉

淵鑑類函卷七十三

淵鑑類函卷七十四

設官部十四

尚書僕射 尚書左右丞

諸曹尚書

尚書僕射一

**原**杜氏通典曰僕射秦官漢因之自侍中尚書博士郎

皆有之古者重武官有主射以督課古者重武官以善射者掌政事故曰

僕射僕射者軍屯吏騶宰永巷宮人皆有取其領事之

號凡此諸官皆有僕射隨所領之事以為號也若成帝

建始元年初置尚書五人以一人為僕射主封門掌授

廩假錢穀後漢尚書僕射一人署尚書事令不在則奏

下眾事印綬與令同自漢以下章服並與令同獻帝建安四年以執



金吾榮劭為左僕射衛臻為右僕射僕射分置左右蓋自此始鍾離意拜尚書僕射嘗賜胡侍子縑當三十匹入曰臣位大罪重部位小罪輕臣當先坐然後及郎遂相及德陽殿成百釋之又明帝作北宮意諫止之出為魯曰鍾離尚書在朕不得成此殿經魏至晉於江左省置無恒魏徐宣字寶堅為左僕射加置二則為左右僕射侍中車駕幸許昌宣統留事

或不兩置但曰尚書僕射令闕則左為省主若左右並闕則置尚書僕射以主左事置祠部尚書以掌右事則尚書僕射祠部尚書不恒置矣若無令則左僕射為省主與令同若左右並闕則直置僕射在其中間總左右事

宋尚書僕射勝右減左右居二者之間僕射職為執法置二則為左右執又與尚書分領諸

曹兼掌彈舉王弘為僕射奏彈謝靈運力人桂興淫其臺舊體不得用風聲舉彈此事彰赫景齊左右僕射行之朝野不敢捫點武帝令免官而已

則分道左僕射領殿中主客二曹諸曹郊廟園陵車駕文武舉補命改號格制諸官銓選凡諸除署功論封眾變臨軒來命改號格制諸官銓選凡諸除署功論封爵貶入議疑通關案則右僕射領祠部儀曹掌諸左僕射主右僕射射次署凡僕射領祠部儀曹掌諸藏穀帛文武廩給諸軍資差人役百工死病亡叛討補考別非違和布稅調理船車兵器其祠部郊廟喪贈儀典儀典總學武官除署移并城邑人戶復除家宅田地興工創架繩寫拘虛刑獄聽訟百工免遣通關及案奏事則右僕射主

黃案左僕射上署右僕射次署凡僕射掌朝軌尚書掌獻奏都承任在彈違諸詳職事應須即先立意應奏黃案及關事以立意官為議主凡辭謝有慢命者曹掾咨如舊若命有吝則以主意者為議主

齊梁舊制右僕射遷左僕射左僕射美遷令其僕射處

於中陳亦然後魏二僕射左居上右居下令僕中丞騶

至於馬道及郭祚為僕射以為非盡敬之宜乃奏請御

在太極騶唱至止車門御在朝堂止司馬門騶唱不入

宮自此始也又朱仲遠為行臺僕射請準北齊僕射

朝式在軍鳴騶廢帝笑而許之其肆情若此

職為執法置二則為左右僕射皆與令同左糾彈而右

不糾彈隋文帝開皇三年詔左右僕射從二品左掌判

吏部禮部兵部三尚書御史糾不當者兼糾彈之右掌

判都官度支工部三尚書又知用度餘並依舊楊素為

與高頊專掌朝政後文帝漸疎忌素詔曰僕射國之宰

輔不可躬親細務但三五日一度向省討論大事示崇

重實奪其權也終仁唐左右二僕射因前代本副尚書

令自尚書令廢闕二僕射則為宰相故太宗謂房元齡

杜如晦曰公為僕射當洞開耳目訪求才賢是為宰相

弘益之道今以波辭聽訟不暇豈助朕求賢之意乃令

尚書細務悉委於兩丞其冤濫大故當奏聞者則關於

僕射及貞觀末除拜僕射必加同中書門下平章事及

參知機務等名方為宰相不然則否然為僕射者亦無

不加焉至開元以來則罕有加者自開元以來始有單

初龍朔二年改左右僕射為左右匡政咸通元年復舊

官品第四上元三年閏五月制尚書省武后改二僕射

為文昌左右相進階為從三品尋復本階神龍初復為

設官部

尚書僕射

左右僕射二年九月敕門下及都省宜開元元年改為

左右丞相從二品統理眾務舉持綱目總判省事四月

敕在京有詔寃者並於尚書省陳牒所司為理若稽延致有屈帶者委左右丞及御史臺訪察聞奏如未經尚

書省不得輒入御史糾不當者兼得彈之至天寶元年

復舊議曰按僕射秦官其任則微其職甚細東漢以後

雖委任漸重職司會府而非百寮師長之職也又按丞

相亦秦官秦氏每羣臣上表皆云丞相臣某為首漢之

宗臣蕭何為丞相漢儀丞相進天子御座為起在輿為

下有疾法駕至第問得戮二千石申屠嘉欲斬內史鼂

錯是也霍光受顧託之重當伊周之地廢昌邑王上表

太后丞相敞為首大司馬大將軍臣光次之其尊崇如

此中間嘗置左右丞相亦嘗改為相國亦為大司徒大

抵漢之丞相是為三公於天下無所不統後漢亦以三

公為宰相則司徒本西漢丞相也後或為丞相或為相

國或為大丞相雖互為之名其實一也曹公司馬師昭

趙王倫王敦王導劉義宣齊高帝梁武帝爾朱榮侯景

陳武帝齊獻武隋文帝皆為之歷代多非尋常人臣之

職亦多為贈官然自秦以降實居百僚之長今尚書令

總領眾務舉持綱目僕射貳之誠為崇重且非統國政

宰天下之任宜侍中中書令如直以尊崇則太師不然

上公太尉始可師長命百寮也龍朔中天寶初嘗改侍  
中中書令為左右相遠協伊尹仲虺為左右相周公召  
公相成王為左右之義斯誠允當或謂尚書令僕射錄  
尚書之職是官之師長按前代錄尚書霍光張安世王  
鳳趙喜牟融鄧彪張禹李固王導褚彥回齊明帝之徒  
或是丞相或是三公或是大將軍大司馬兼之皆秉朝  
政猶古冢宰百官總已實宰輔也其時別有令僕今僕  
射雖嘗改為丞相名同而職異品秩又未崇極上有三  
師三公尚書令七人豈得比前代丞相受任也其襲舊  
名無實者若今刺史皆云使持節按前代使持節得戮

二千石其王公以下封國皆南面臣人分茅建社其開  
府儀同三司則禮數班秩皆如三公置府辟吏今並豈  
有實乎此例甚衆不能徧舉安有僕射因改丞相之名  
都無丞相之實而為百寮師長也又與丞郎絕禮若不  
隔品致敬則諸司長官與隔品寮屬其可絕禮乎斯不  
然矣 **唐制**曰唐因隋制以三省之長中書令侍中  
尚書令共議國政此宰相職也後以僕射為尚書省長  
官與侍中中書令號為宰相品位既崇不欲輕授人常  
以他官居宰相職而假以他名 六典曰左右僕射開  
元初改為左右丞相掌總領六官紀綱百揆初亦宰相

之職也開元初張說兼之後罷知政猶為丞相自此之後遂不知國政天寶元年復為僕射二年改侍中為左相中書令為右相 會要曰左右僕射自武德至長安四年以前並是正宰相初豆盧欽望拜左僕射不言同中書門下三品不敢參議政事數日後始加知軍國重事景雲二年十月韋安石除左僕射東都留守不帶同三品自後空除僕射不復為宰相矣開元中張說為右丞相元宗令選日上因制儀注自非中書門下諸三品以上皆坐受其禮因為故事元和六年禮官案開元禮有冊拜官上儀咸與卑官答拜令僕射皆冊拜官也會

昌二年陳夷行崔珙拜僕射奏僕射始視事受四品官拜無著令比左右丞吏部侍郎御史中丞皆為僕射拜階下謂之隔品致敬準禮皇太子見上臺羣官羣官先拜而後答無二上也僕射與四品官並列不容獨優開元二年以僕射為丞相位次三公三公上日答拜而僕射受之非是望敕所司約三公上儀著定令 文獻通考曰宋制左右僕射掌佐天子議大政貳令之職與三省長官皆為宰相之任元豐官制行不置侍中中書令以左僕射兼門下侍郎右僕射兼中書侍郎行侍中中書令職事寄祿為特進政和中詔曰昔神考訓迪厥官

有司不能奉承仰惟前代以僕臣之賤充宰相之任可  
改左僕射為太宰右僕射為少宰靖康元年詔依制復  
為僕射乾道八年詔左右僕射依漢制改為左右丞相  
石林葉氏曰本朝沿襲唐制官制行始用六典別尚  
書門下中書為三省各以其省長官為宰相則侍中中  
書尚書令是也既又以秩高不除故以尚書令之貳左  
右僕射為宰相而左僕射兼門下侍郎以行侍中之職  
右僕射兼中書侍郎以行中書令之職而別置侍郎以  
佐之則三省互相兼矣然左右僕射既為宰相則凡命  
令進擬未有不由之出者而左右僕射又為之長則出

令之職自己身行尚何省而覆之乎方其進退執政無  
不同則所謂門下侍郎者亦預聞之矣故批旨皆曰三  
省同奉聖旨既以奉之而又審之亦無是理門下省事  
惟有給事中封駁而已未有左僕射與門下侍郎自駁  
已奉之命者則侍中侍郎所謂省審者殆成虛文也元  
祐間議者以詔令稽留吏員冗多徒為重複因有并廢  
門下省之意後雖不行然事有當奏稟左相必批送中  
書右相將上而右相有不同往往或持之不上或退送  
不受左相無如之何侍郎無所用力事權多在中書自  
中書侍郎遷門下侍郎雖名進其實皆未必樂也按

以宰相而兼他官本非令典唐制所謂反輕宰相之體是也然時方用兵則兼節度使崇儒學則為大學士急財賦則為鹽鐵轉運使蓋以國家方重其事而以宰相提綱則下不敢以泛泛之司存視之猶有說也至於三省則俱為政本之地無所不統長官則為宰相所謂中書門下同平章事是也佐官則參知政事是也今元豐改官制既以中書門下同平章事為左右僕射參知政事為中書門下侍郎尚書左右丞矣而復以左僕射兼門下侍郎右僕射兼中書侍郎則是既自有佐官而復以長官兼之贅疣甚矣蓋仁宗必欲復唐三省之職而

蔡確以有中書造命之說已為次相兼中書侍郎王珪為首相兼門下侍郎實欲陰擯珪於門下使不得與造命取旨之事苟以便其專政之私而不復顧體統名稱之不順也續文獻通考曰遼南面尚書省太祖嘗有左右尚書其後更設曰尚書令曰左僕射曰右僕射元無僕射官明無僕射官

尚書僕射二

**原**初學記曰僕射秦漢秩六百石公為之增至二千石至梁加秩中二千石自魏以來品第三至陳加品第二自東晉以來祠部尚書多不置以右僕射主之百官

表注曰僕射一人銅印墨綬五時朝服納言幘進賢兩  
梁冠佩水蒼玉官品第三月俸四十五石 漢書曰鄭  
崇字子游哀帝時擢為尚書僕射數求見諫諍上初納  
用之每聞曳革履上笑曰我識鄭尚書履聲後為人所  
譖上責崇曰君門如市何欲禁切主上崇曰臣門如市  
臣心如水 鍾離意別傳曰意字子阿為尚書僕射其  
年匈奴羌胡歸義詔賜縑三十匹尚書侍郎廣陵暨鄴  
誤為三千匹詔大怒鞭鄴欲死意排省閣入諫曰海內  
遐邇謂陛下貴於財而賤人命愚臣所不安明帝以意  
諫合大義恚損怒消敕大官掾賜鄴酒藥詔謂意曰非

鍾離尚書朕幾降威於此郎

此事通典亦載與此小異並存之

魏志

曰桓範薦徐宣為僕射後加侍中光祿大夫車駕幸許  
宣總留事帝還主者奏呈文書詔曰吾省與僕射何異  
竟不視 又曰陳泰為尚書左僕射典選舉貢事 晉  
起居注曰太康元年詔曰山濤自典官人之任志在澄  
清風俗朕將倚之以弘訓範庶人倫有日新之美其以  
為左僕射 晉諸公贊曰司馬珪時多令望早歷顯職  
晉受禪為尚書左僕射年三十七眾論以為美 世說  
曰周顛字伯仁為左僕射風德雖重過江積年恒大飲  
酒嘗經三日醒時論謂之三日僕射 王隱晉書曰太



九  
康元年詔依舊制置左僕射以山濤清虛恬簡轉為僕射 齊職儀曰魏朝以尚書僕射毛玠領選曹晉武以僕射山濤領吏曹後依擬至今或領焉 沈約宋書曰劉延孫為尚書左僕射延孫疾病不任拜起上使乘船自青溪至平昌門入尚書下舍 晉中興書曰紀瞻字士遠為右僕射肅祖常居內殿慨然憂天下曰社稷之臣欲得十人如何因數之云君便是一人 齊書帝欲用張緒為僕射以問王儉儉曰緒少有清望誠美選也南士由來少居此職褚彥回曰儉少年或未憶耳邇江左用陸玩顧和皆南人也儉曰晉昏衰之政不可為

則 南史徐湛之為尚書僕射令何尚之以湛之國戚任邇隆重欲以朝政推之諸詞訴絕不料省湛之亦以令掌敷奏出納事無不總令缺則僕射總任又以事歸尚之互相推諉御史中丞袁淑奏並免官詔特無所問乃使湛之與尚之並受詞訴尚之雖為令而朝事悉歸湛之 唐德宗貞元元年八月以張延賞為左僕射 唐中宗神龍元年以唐休璟豆盧欽望為左右僕射休璟仍同三品欽望有軍國重事中書門下可共平章先是僕射為正宰相其後多兼中書門下之職午前浚政事午後浚省事至是欽望專為僕射不敢預政事故有

是命餘詳前後周書周惠遠為右僕射自關右草創

禮樂鼓然惠遠與禮官損益舊章自是儀軌稍備 宋

太祖建隆元年加魏仁浦右僕射同平章事 神宗元

豐五年以王珪為尚書左僕射兼門下侍郎蔡確為尚

書右僕射兼中書侍郎 高宗建炎四年金以韓企先

為尚書左僕射兼侍中時金方議禮制度企先博通經

史知前代故事或因或革咸取折衷

尚書僕射三

原蒼玉阜襜詳前二東觀漢記曰鮑永字君長

德雖行將軍常阜襜路稱鮑尚書兵抄 排閣 曳

通典永常白襜路稱白衣尚書與此異

履並詳清恪 忠允先賢行狀云毛玠為尚書僕射

注曰尚書高陽王珪忠 攝百揆 副端右謝靈運晉

重武事貴射御取其捷御如僕各置一人尚書人謂

之八座參攝百揆出納王命古元凱之任也 何法盛

晉中興書曰顧和為尚書僕射以母老固辭詔教諭特

聽暮出朝還其憂遇如是尋朝議以臨端右之副不宜

處於外更加銀 協宣庶績 總統留事晉起居注曰

宣尚書善首左右僕射所以恢演政典協 國之司直

官之師長魏志曰毛玠字孝先為尚書僕射時太子

庶不分覆宗滅國廢立大事非所宜聞會玠起更衣太

祖謂曰國之司直我之周昌 又曰文帝時欲以賈詡

為僕射謂曰尚書僕射官之師長天下所望詡名 五

素不重非所以服人范蔚宗後漢書曰胡廣字伯始五

遷四辭 二龍雙驥遷尚書僕射王隱晉書曰荀顛代

尚書僕射

陳泰為僕射領吏部四辭而後受  
容德以右僕射封嵩為左僕射尚書韓諱為右僕射時  
嵩諱並年三十又以其弟融為西中郎將諱弟軌為東  
中郎將嵩等俱拜帝臨軒詔令四人同入嵩等升殿方  
謝帝顧曰躍二龍於長衢  
主開封 括賢俊 漢舊儀  
僕射主開封曰千里朝野榮之  
書令僕射主開封掌授廩假錢穀也 晉起居注云永  
昌元年正月詔曰左僕射所以廣括賢俊經始萬  
化之機僕射護軍荀頤可進為左僕射尚書領選 綜  
核名實 彌縫遺闕 王隱晉書云荀頤字景倩文帝時  
承泰後加之淑慎綜核名實風俗淳正 華嶠漢書云  
李膺字元禮遷僕射與太傅陳蕃戮力悉心 彌縫遺闕  
訊牒 隋車 讀常陪聽訟文帝問以疑獄敬弘不省  
帝變色問何故不以訊牒副僕射敬弘對曰臣乃得訊  
牒政自不解帝不悅後遷尚書令 又王常為僕射常  
墮車時人謂 魏尊碩德選在徐宣 晉龍元勳選在

羊祜 俱白 折勳戚威 起敵國畏 後漢書鄧壽為  
將軍竇憲威振天下常使門下生齋書誥壽有所請託  
壽即送詔獄前後上書陳憲驕恣引王莽以誠國家  
司馬濶公復起為僕射遼人聞之曰 總樞機重權  
南國復相司馬矣毋輕生事開邊隙  
訪軍國大事 邵經緯文武識處心腹之計不總樞機之  
重非乖拱無為委任責成之意也 以禮為尚書左僕射  
宋史至道二年呂端加右僕射上御崇政殿訪以軍  
國大事端陳當世急 北平章之名 受都督之任 唐  
務有條理 嘉納之 疾辭位 認疾 小廖兩三日  
宮中書門下平章事 李靖以疾辭位 認疾 小廖兩三日  
以右僕射張俊為 以艱難協主心 以博大開上意  
江都督李沆為尚書右僕射 沆取四方水旱盜賊奏之  
言行錄李沆為尚書右僕射 沆取四方水旱盜賊奏之  
王旦以為細事不足煩帝聽沆曰人主少年當使知四  
方艱難不然而氣方剛不留意聲色人馬則土木甲兵  
禱祀之事作矣識者服其遠見 元祐三年范純仁為  
尚書僕射 尚書僕射 十一

右僕射務以博大開  
上意忠厚革士風  
韓琦欲太后撤簾還政乃取十餘事稟帝帝裁決悉當  
琦即詣太后覆奏太后每事稱善琦即白太后求去太  
后曰相公不可去我當還深宮耳遂起琦即厲聲命撤  
簾既落猶於御屏後見后衣也  
哲宗元祐元年以  
司馬光為尚書左僕射既而認  
免朝觀許乘肩輿三日一入省  
都民遮留 中外鼓  
舞僕射司馬光過闕廷衛士見公入皆以手加額都民  
中使即家居召公復拜尚  
書左僕射制出中外鼓舞  
安 岑參題左僕射  
相國冀公東齋

**尚書僕射四**  
**原署尚書事** 續漢書百官志曰尚書僕射秩  
六百石承泰所置署尚書事  
省錄臺  
事 謝承後漢書云尹昆時拜尚書僕射曰惟君公曹  
時以太守之術克獎丁宰其省錄臺事勿令謬誤

**綜詳朝政** 晉起居注云太始七年詔曰尚書僕  
射總括萬機以貳紀綱綜詳朝政  
**贊治道** 臧榮緒晉書曰謝安石為僕射詔曰尚書安石  
沖允清純識體弘亮宜內贊治道外綏戎政可  
尚書僕射吏 稱為廉平 好學為尚書僕射加侍中奉  
部後加將軍 稱為廉平 好學為尚書僕射加侍中奉  
車都尉領吏部清實 稱為強正 元亮為尚書左僕射  
選舉稱為廉平也 稱為強正 元亮為尚書左僕射  
於時中興草創制度未立朝臣無習朝儀者惟協以久  
在中朝多誦故事朝廷憲體出入威儀唱贊皆一稟於  
協當時稱 公清為性 臧榮緒晉書云朱整字偉齊為  
為強正 公清為性 臧榮緒晉書云朱整字偉齊為  
真 平正為能 東觀漢記云相虞字伯春遷尚書僕  
守 平正為能 東觀漢記云相虞字伯春遷尚書僕  
南陽 舉臺憚之 堂邑令有能徵拜尚書僕射事有不  
太守 舉臺憚之 堂邑令有能徵拜尚書僕射事有不  
便輒封還上 四海翕然 射其典選舉拔真實斥華偽  
諫舉臺憚之 四海翕然 射其典選舉拔真實斥華偽  
進遜行抑阿黨諸宰官治民績不著而私財足 黃瓊  
者皆免廢久不選用於時四海翕然莫不厲行  
設官部

籍田奏上從之華嶠漢書云黃瓊字世英為僕射順帝

明恭郊廟之禮親藉王珣文章為上所昵晉中興書

元琳拜侍中尚書左僕射領吏部時烈宗雅好典籍

何澄坐家視事晉起居注云何澄字季元遷左僕射領

李豐常多託疾魏略云李豐字安同為侍中僕射

當解祿豐未滿百日暫起已復臥如是數歲及太傅久

病曹爽攝政豐依違三公間無所是非故時人有謗書

光其意以為豐雖如湯太傅父子冷如漿李豐兄弟如游

僕射增黑面僕射後魏書陽平王新成之子欽字思若累

僕射均田北齊書高隆之為尚書僕射初給民田

祖番更反易大小僕射陳書袁憲遷右僕射參掌選

射唐書一時臺省目簡懿為解事僕射唐書武至德為僕

大僕射憲為小僕射前日受詞訟嘗有老母詣省陳詞至德已收牒省視老母

後及人才之所當召用者密條置左右大耐官職

又向敏中除右僕射上使李昌武觀之方謝客門無一

命之重公亦復唯唯使人至廚中問有飲宴者亦寂無

賜張商霖字徽宗大觀四年商英為尚書右僕射時久

日雨帝喜因大書商霖二字賜之

尚書僕射五

原詩梁任彥昇出郡傳舍哭范僕射詩曰平生禮數絕  
式瞻在國楨一朝萬化盡猶我故人情待時屬興運王  
佐俟人英結歡三十載生死一交情攜手道衰孽接景  
事休明運阻衡言革時泰玉階平濬冲得茂彥夫子值  
狂生伊人有涇渭非余揚濁清將乖不忍別欲以遣離  
情不忍一辰意千齡萬恨生 已矣平生事詠歌盈篋  
笥兼復相嘲謔常與虛舟值何時見范侯還敘平生意  
與子別幾辰經塗不盈旬弗覩朱顏改徒想平生人  
寧知安歌日非君撤瑟辰已矣余何歎輟春哀國鈞  
唐任希古和左僕射燕公春日端居述懷詩曰豐野光

三傑媿庭贊五臣緋細歌美譽絲竹詠芳塵聖曆開環  
象昌年降甫申高門非捨築華構豈垂綸鳳邸傳宵翰  
龍池躍海鱗玉鼎升黃閣金章謁紫宸禮闈通政本文  
昌總國鈞調風振薄俗清教正彝倫星迴應緹管日御  
警寅賓葉上曾槐變花發小堂春思挂東都冕言訪北  
山中赫赫容臺上千祀耀平津 趙彥昭奉和悼右僕  
射楊再思詩曰兩揆光天秩三朝奉帝熙何言集大鳥  
忽此喪元龜坐歎公槐落行聞宰樹悲壑舟今已去寧  
有濟川時 檀韓翊上田僕射詩曰家封薛縣異諸田  
報主榮親義兩全僕射臨戎謝安石大夫持憲杜延年

金裝畫出羅千騎玉案晨餐直萬錢應念一生留闕下  
闕門遙寄魯西偏 黃滔賀清源僕射新命詩曰雖言  
崧嶽秀崔嵬少降連枝命世才南史兩榮惟百揆東閩  
雙拜有三台二天在頂家家詠丹鳳銜書歲歲來虛說  
古賢龍虎盛誰攀荆樹上金臺

**增**詔梁授蕭重休左僕射詔曰門下尚書萬事之本隆  
替是寄總司頓闕宜速有人具官蕭重休才學淹通識  
裁詳允內著嘉庸外敷美政入副朝端僉議斯在可守  
尚書左僕射餘如故

**唐制**唐蘇頲授劉幽求左僕射制曰門下尚書佐理四

方取則端揆成務百工是師非允具瞻孰康庶績封州  
流人劉幽求風雲元感川岳粹靈學綜九流文窮三變  
義以臨事精能貫日忠以成謀用若投水茂勲立艱難  
之際嘉謨盈啓沃之初存讜直以不回為姦邪之所忌  
釁萌頗露譖端潛發元宰見逐讒人孔多既誅羣兇方  
宣大化期問政於經始載登賢於夢卜 常袞授李忠  
臣右僕射制曰文昌所以法成象端右所以長庶寮秦  
漢則內掌武事魏晉或外綏戎政今之垣翰重任勤勞  
有功歷踐六卿始終一德必訪羣議然後當盛選 授  
令狐彰右僕射制曰中臺萬事之會端右庶僚之式所

以總詳參貳恢演協宣勲德兼崇則殊在師長之重勤勞於外則不親損益之煩凡命此官必書於冊極茲朝選用屬時賢元稹授韓皋左僕射制曰夫一邑之政而猶資老者之智用壯者之波況朝廷之大得不以耆年重望居表正之地儀刑於百辟乎具官韓皋始以直言事代宗皇帝司諫諍復以文章政術事德宗皇帝為舍人中丞京兆尹在順宗憲宗時出領藩方入備卿長逮予小子歷事五君勤亦至矣而又處權近之際未嘗以恩幸自寵於一時當趨嚮之間終不以薄厚見窺於衆目豈所謂徐公之行已有常而詩人之風雨不改耶

罷去職勞正名端右凡百庶寮無忘咨稟宋除呂蒙正尚書僕射制曰邦國政治蓋出於中樞朝廷紀綱盡歸於會府矧乃端揆之任聿居師長之崇苟非台鉉之賢曷慰搢紳之望具官呂蒙正挺生英氣符合昌期自先夢卜之求遂荷鹽梅之寄謨明匪懈亮直不渝爰自天宮再持政柄洎和鼎實時維老成朕欽若不圖建用皇極雖彌綸大體固未協於康哉而勵翼小心亦備觀於勤止頗鬱隆年之望宜均勞逸之功長是中臺式茲

百辟

銘梁沈約尚書右僕射范雲墓誌銘曰合契興王匪



勞物色乘風鬱起化成龍翼乃作喉唇帝猷必舉乃作  
銓衡彝倫有序北京岨峻東川迴薄蘊吾名臣終天靡  
作

**原**表宋傅亮讓尚書僕射表曰自皇基肇創豫班策勛  
繼善微績未聞朝野百揆治樞總貳殷要誠非庸臣所  
宜叨擬臣聞權衡既懸錙銖靡遁厲駑習驥終莫之近  
敗駕傷錦備之前誥必將上增國垢下招私黷 齊王  
儉讓左僕射表曰待臣於常均之外眄臣於代僚之右  
親乖其章乘非其器霸府方隆超居元任國朝草昧參  
贊百揆 梁沈約讓僕射表曰臣聞役壯休老上典所

優晨行暮息事身恒分若夫元黃未已非秋駕之衛筋  
力爲用豈強飯之時養老杖鄉抑推前典服戎告謝親  
學匪任宿肉極其虛憊歲制防其不辜實所以蠲假衰  
疾收屏淪暮 張纘讓尚書僕射表曰加以矯心飾貌  
酷非所閑不喜俗人與之共事雖復吐言如傷屈體無  
骨動容竊斧猶成多憾曾聞如闕坐客恒滿情態參差  
世塗盈虛蕙以興謗拾塵見猜疑似雖分聖賢致惑人  
之包藏山川非險況在於臣焉可證綜 陳徐陵讓左  
僕射初表曰臣聞七十之歲揚雄擬經六十之年平津  
對策若斯強壯無歎耆老臣勵則曹華軒冕才允卿相

出納流譽朝野具瞻臣弘正國老儒宗情尚虛簡元風  
勝業獨王當年臣種器懷沈密文史優裕東南貴秀朝  
廷親賢並見壯猷皆宜左執若漢武好少而微臣已老  
若周文愛老則有此羣才伏願天明更謀梓匠求其妙  
選稱是能官 又讓右僕射初表曰加以言尋盟好仍  
屬亂離先零盜其牛馬烏孫竊其印綬子卿茹雪叔向  
為凶雖復東歸備罹此厄昔李廣遺恨不值漢初甯戚  
自悲不逢堯禪臣隨望聖運實在權輿時參波勝之籌  
頗奏發兵之讖當塗錫舍非無董昭之誠典午禪文不  
降張華之實 江總讓尚書僕射表曰藻鏡官方品裁

人物門驚如市不慙屋漏心抱如冰無欺暗室但屢淹  
星鳥每知忝素世網拘束事歸餽勉今此召會尤增據  
蒞竊以端揆副職官稱師長革履升降傳呼寵赫儀刑  
朝首冠冕彝倫兼復參總衡流匡佐聖治妄膺重責必  
踐危機

諸曹尚書一

**原**杜氏通典曰秦尚書四人曹不分名漢成帝初置尚書五

人其一人為僕射四人分為四曹尚書曹名自此而有常侍曹主

卿二千石曹主郡國民曹主凡吏民上書以人字改客

曹主外國後又置三公曹主斷是為五曹後漢尚書五

諸曹尚書

曹六人其三公曹尚書二人掌天下歲盡吏曹掌選舉  
漢志謂之常侍二千石曹掌中都官水火盜賊辭民曹  
曹亦謂之選曹客曹掌羌胡朝賀法駕出則護駕後漢光  
鹽池苑園客曹武分二千石曹及客曹為南主客北  
主客兩梁冠納言幘或說有六曹按後漢志云分客曹  
志云以前漢五曹更加中都官曹為六曹也案應劭漢  
官云二千石曹主中都官事則不應更有中都官曹也  
今依劭說為五曹六人又張陵字處仲為尚書歲魏  
朝梁冀帶劍入省陵叱令奪劍劾冀詔以歲俸贖罪魏  
有史部左民客曹五兵度支凡五尚書晉初有吏部三  
公客曹駕部屯田度支六曹無五太康有吏部殿中五  
兵田曹度支左民為六曹尚書無駕部三及渡江有吏  
部祠部五兵左民度支五尚書管銅印墨纒乘輅車早

武冠左貂金暉宋有吏部祠部度支左民左民尚書統左都官  
五兵六尚書齊梁與宋同侯景改梁五兵為七兵尚書  
與今亦別有起部而不常置也梁何胤字子季為左民  
山雲門寺教給白衣尚書祿肩固辭又尚書下舍洽引  
中丞光祿為左民尚書舊中丞不得入尚書洽引  
服親不應有礙御史省詳波乃許陳與梁同後魏初有  
殿中馬倉庫樂部掌伎樂及駕部掌牛馬南部掌南  
郡北部掌北邊五尚書其後亦有吏部初曰兵部都官  
度支七兵祠部民曹等尚書又有金部庫部虞曹儀曹  
右民宰官元提為宰都牧元補為都牧曹右曹太倉太  
官祈曹神都儀同曹等尚書自金部以下但有尚北齊  
設官部諸曹尚書

有吏部殿中殿中統殿中曹主駕行百官留守名帳宮殿禁衛及儀曹三公駕部四曹祠部

五兵都官度支六尚書後周無尚書隋有吏禮兵刑戶

工六部尚書唐尚書與隋同龍朔二年改尚書為太常伯咸通初復舊歷代

吏部尚書及侍郎品秩悉高於諸曹初學記曰案敘

諸曹尚書秦官也漢因之光武分為六曹并一令一僕

射謂之八座魏有五曹與二僕射一令謂之八座魏有

左民客曹五兵度晉有六曹宋有六曹齊梁

陳六曹齊曹名後魏北齊六曹後魏北齊有吏部殿中

後周依周禮置六官尚書之任隋氏六曹隋有吏部禮

度支工部開皇三年改度支唐六曹初置民部餘同隋

為戶部都官為刑部是也

為度支尋復改為戶部龍朔二年改尚書為太常伯改

吏部禮部戶部兵部刑部工部為司列司禮司元司戎

亦依周禮六官也初宋齊梁陳四代復有起部尚書營

宗廟則權置畢則省已上並漢官職儀

諸曹尚書二

再昇周歷謝承後漢書曰魏朗字伯英入為尚書

序室以黨事免朗性幹嚴閉門禁省不屈豪右為百寮

以侍書御史遷尚書中委珠賜劔謝承後漢書

月之問周歷三臺遷侍中委珠賜劔謝承後漢書

子阿明帝徵為尚書交附太守坐賊伏法以資物導入

大司農詔班賜臣孔子忍渴於泉之水曾參迴車於

問其故對曰臣聞孔子忍渴於泉之水曾參迴車於

勝母之鄉惡其名也賊穢之寶不敢拜帝笑曰清乎尚

書賜錢三十萬東鞠漢記曰章帝賜尚書劔各一手

署姓名韓稜楚龍泉郵盡蜀漢文陳龍濟南鐵成一室

兩刃其餘皆平劍其時論者以為稜淵深有謀故得龍  
泉燾明達有文章故得文劍寵後漢書曰鄭均字仲虞  
外故得鍛成劍 白衣 文劍 為尚書澹泊無欲以病  
皆因名而表意 章帝車駕幸均舍敕賜尚書 歷三  
乞骸骨終不肯起 曰白帝車駕幸均舍敕賜尚書 歷三  
祿終其身時人號曰白帝車駕幸均舍敕賜尚書 歷三  
臺 任七年 內七年 詳周歷注 晉書杜預為度支尚書在  
賜鍛成 封廣武 華嶠後漢書曰陳寵字昭公以德  
人臣之義苦不畏慎自任在樞密謝門人不復教拒知友  
時賜寵劍得鍛成劍以其敦樸 晉書曰張華為度支  
尚書波勝緣江地近萬里始羊祜謂親曰終 酬酢諮  
吾事者惟當華耳卒如祐言封廣武縣侯 嘉謀良圖  
諷 嘉謀良圖 表辭才下年老詔曰方今多事嘉謀尚書  
圖委以 朱穆正直 黃琬方毅 謝承後漢書曰朱穆  
老成也 廉貞為侍中尚書

諸曹尚書三

原三為選官 裴松之晉紀云江彪 損益萬機 預為度  
支尚書損益萬機不可勝數朝野稱 閑練舊典 益部  
美號曰社武庫言其無所不有也 傳太尉李固薦楊準服事臺閣 練  
舊典且有漸用宜在機密世特拜尚書也 典定舊制  
表山松漢書云伏湛建武 事無不綜 傅子云傅嘏為  
無不內外 敏於眾職 謝承後漢書云王博字季習拜尚書  
戒內外 敏於眾職 謝承後漢書云王博字季習拜尚書  
不內外 敏於眾職 謝承後漢書云王博字季習拜尚書  
機平直公卿大 幹機密職 淵懿博雅治術亦辨優納  
夫莫不憚之 慎退食自公儀表偉麗每朝賀百寮側目 臺閣彈駁  
魏略云丁謐遷尚書謐為人外似疎略而內多 軍糧  
忌其在臺閣數有所彈駁臺中患之 諸曹尚書

謝承後漢書

諸曹尚書

三

校計朱鳳晉書云帝以司馬孚為度文武羣才多所  
明拔先賢行狀曰崔琰拜尚書委授銓衡總齊清議十  
也內外眾職各得其才傳咸陳事云正始中何晏典  
然之美於拔真斥偽舉賢行狀內外眾職各得其才  
枯面羸衣乘澹泊無欲學記許混鑒識魏志云許  
柴車者也王昶考課書類聚尚翟輔高第後漢  
帝時為尚書王昶考課書類聚尚翟輔高第後漢  
上試對政事天文道術以高第者補之輔自恃能高而  
惟涕泣史令孫懿恐其先用乃往候懿既坐言無所及  
才智為中官所害觀君表相似當應之輔受恩接懷以  
君之禍耳懿憂懼移病不試由是輔對第一尚書  
案春秋保乾圖曰漢賊臣名孫登大形小口長七  
尺九寸巧用法多技方詩書不用賢人杜口也鍾

離大德鍾離意別傳云棠邑令鍾離意子光耀紫微  
章誕集云入作光翼明聖陸機云惟是猴  
納言光耀紫微

諸曹尚書四

原詩宋顏延年直東宮答鄭尚書詩曰皇居體環極設  
險祗天工兩闔阻通軌對禁限秋風跂予旅東館徒歌  
屬南墻寢興鬱無已起觀辰漢中流雲靄青闕皓月鑿  
丹宮踟躕清防密徙倚恒漏窮君子吐芳訊感物惻余  
衷惜無丘園秀景行彼高嵩 隋劉斌和許給事傷牛  
尚書詩曰名臣不世出百工之所求況乃非常器遭逢  
興運秋符采照千里銓衡綜九流經綸資博物尊俎寄

諸曹尚書

皇猷詔漢傾復理典禮紊還修雖貞棟梁任兼好藝文  
游竹聞和鼎實行當奉介丘高衢翻稅駕閱水遽遷舟  
傳呼更何日曳履聞無由歸魂藐修路征權艤邪溝林  
薄長風慘江山寒雲愁夜臺終不曙遺芳徒自留

**原**歲後漢繁欽尚書箴曰龍作納言帝命惟允山甫翼  
周實司喉吻赫赫禁臺萬邦所庭無曰我平而慢爾衡  
無曰我審而怠爾明四岳阿鯨績用不成虞登八凱五  
教聿清舉涉其私乃忝服榮正直是與伊道之經先民  
匪解永世流聲君子下問敢告侍廷

尚書左右丞一

**源**杜氏通典曰尚書左右丞秦置尚書丞一人屬少府  
漢因之至成帝建始四年置丞四人及後漢光武始減  
其二則置左右丞佐領僕射之事左丞臺中紀綱無所  
不總主吏民章服及駟伯史右丞與僕射皆掌授廩假  
錢穀又假署印綬及紙筆墨諸財用庫藏楊喬為右丞  
行直太常辛  
柔柔不避車為奏  
柔不敬下廷尉左右丞闕以次久郎補之三歲為刺  
史漢御史中丞侍御史行複道中遇尚書及丞郎避車  
執版揖丞郎坐車舉手禮之車過遠乃去尚書言左右  
丞敢告知如詔書律令郎見左右丞對揖無敬稱曰左  
右君丞郎見尚書執版揖稱曰明時郎見令僕執版拜

朝官對揖魏晉左右丞銅印青墨綬進賢一梁冠介幘  
絳朝服左丞主臺內禁令宗廟祠祀朝儀禮制選用署  
吏急假兼糾彈之事右丞掌臺內庫藏廬舍凡諸器用  
之物及刑獄兵器器督錄遠道文書章表奏事宋因之而  
右丞亦主錢穀虞玩之字茂瑤宋元徽中為右丞齊高  
帝參政與玩之書曰今漕藏有關吾賢  
居右丞已覺金粟可積矣皆銅印黃綬齊左右丞寢廟郊祠吉慶瑞  
應災異立作格制諸案彈用除置吏補滿除遣任暹為  
右丞奏  
御史中丞陸澄不糾事請免澄官又建康令與秣陵令  
同乘行車前導四卒右丞沈昭略奏凡有鹵簿官共乘  
不得兼列驄視中書郎遷黃門郎左丞掌兵士百工補  
導請免其官役死叛考代年老疾病解遣其內外諸庫藏穀帛刑刻

創架爭訟田地船乘兵工死叛考剔討補差分百役兵  
器諸營署人領州郡租布民戶移徙州郡縣并帖城邑  
人戶割屬刺史二千石令長丞尉被收及免贈文武諸  
犯刑官事白案則右丞上署左丞次署黃案則左丞上  
署右丞次署諸立格制及詳讞大事郊廟朝廷儀體亦  
左丞上署右丞次署梁皆銅印黃綬一梁冠左丞掌臺  
內分職儀禁令報人章督錄近道文書章表奏事糾諸  
不法凡諸尚書文詣中書省者密事皆以契刀囊盛之  
封以丞相印劉洽字義權為左丞準繩不  
避貴戚尚書省賄賂莫敢通右丞掌臺內  
藏及廬舍凡諸器用之物錄遠道文書章表之事陳因

設官記  
尚書左右丞



之後魏北齊左丞為上階右丞為下階北齊左丞掌吏部等十七曹吏部考功主爵殿中儀曹三公祠部主客右并糾彈見事又主管轄臺中道失并糾駁之崔昂除戶度支尚書左丞兼尚書近代未有惟昂為冠首朝野榮之又酷吏宋游道為左丞始為故事於尚書省門立石以警出入早晚令右丞掌駕部等十一曹駕部虞曹僕以下皆為側目亦管轄臺中惟不彈糾餘悉與左同兵部比部水部膳部倉部金部庫部隋左右丞掌分尚書諸司糾駁元壽字長壽為尚書左丞蕭摩訶妻患將死奏令其子向江南收家產壽奏勅之曰摩訶遠念貴財近忘匹好令其子舍危微之母為聚斂之行御史韓徽之等見而不彈請付大理唐因隋制龍朔二年改為左右臣忝居左轄無容寢默唐因隋制龍朔二年改為左右肅機其年有字文化及子孫論資蔭所司理之至於勾留右肅機陽昉未詳案狀訴者自以道理已成無

復疑滯勒而逼昉昉謂曰適退朝未食畢詳之訴者曰公云未食亦知天下有累年羈旅者乎昉遽命案立判之曰父弒隋主子訴隋資生咸通元年復舊儀鳳四年者猶配遠方死者無宜更敘咸通元年復舊約除尚書左丞約奏曰陛下為官擇人無其人則闕今不惜美錦令臣製之此陛下知之深矣微臣盡命之日矣振舉綱目略無左丞掌管轄諸司糾正省內勾吏部留事羣曹肅然戶部禮部等十二司通判都省事右丞掌管兵部刑部工部等十二司餘與左丞同初學記曰案敘尚書丞秦官也漢因之光武置左右二丞丞承也言承助令僕總理臺事尚書令與左丞總領紀綱僕射與右丞掌稟假財穀魏晉以來左丞得彈奏八座故傅咸云斯乃皇朝之司直天臺之管轄是也自漢魏以來品皆第六秩

尚書左右丞

四百石梁加品第四秩六百石

出齊職儀及五代史百官志

**增六**

典曰左右丞掌管轄省事糾舉憲章以辨六官之儀制

而正其文法分而視焉 晉書百官表志注曰左右丞

俸月三十斛 五代史後唐書曰梁開平二年改左右

丞為左右司侍郎避廟諱也至同光年十月復舊為左

右丞長興元年九月詔曰臺轄之司官資並設左右貂

素來相類左右丞不至相懸以此比方豈宜各別自此

宜升尚書右丞官品著與左丞並為四品 續通鑑綱

目曰神宗元豐五年官制成改參知政事為門下中書

侍郎尚書左右丞 文獻通考曰宋制左右丞掌參機

大政通治省事以貳令僕射之職僕射輪日當筆遇假

故則以丞權當筆知印大祭祀酌獻薦饌進熟則受爵

酒以授僕射舊班六曹尚書下官制行升其秩為執政

官元豐五年五月詔左右僕射丞合治省事是月御史

言左右丞蒲宗孟王安禮於都堂下馬違法犯分安禮

爭論帝前以為今左右丞為執政官不應又有厚薄左

右丞於都堂上下馬自此始元祐元年詔本省應受御

札事大者送中書省取旨事小急速止本省行訖奏知

仍關報中書門下其未便者聽執奏又六曹擬鈔左右

丞簽書僕射書檢又事有條例不至大者六曹長官專

設官部

尚書左右丞

尚書左右丞

三

沒非六曹所能沒者申省常程及訟牒止付左右丞初  
相魏因唐制置宰相復用翰林學士陶穀之言命薛居  
正沈義倫為參知政事以爲宰相趙普之貳官制行罷  
參知政事以門下中書侍郎尚書左右丞爲執政時章  
惇以前參知政事除門下侍郎張舉以參知政事除中  
書侍郎蒲宗孟王安禮自翰元豐寄祿爲光祿大夫建  
林學士除尚書左右丞云  
炎三年詔中書門下二侍郎並復改爲參知政事發尚  
書左右丞續文獻通考曰金左丞右丞各一員正二  
品爲執政官爲宰相之貳俱列於尚書省下元左右  
丞各一員按元中書令爲極尊次則左右丞相平章政  
事左右丞參政參議中書省事左右司郎中皆參贊中  
書者明初改中書省左右相國爲左右丞相左右丞

各一人皆係中書省後革中書省並左右丞不設

尚書左右丞二

**原**紀綱管轄詳通典傅咸答辛曠詩序曰尚書  
制之司直天臺之管轄余前爲左丞具此  
職之要後忝此任僱從諸公贊曰許奇  
繩上詳管轄注傅暢晉諸公贊曰許奇  
秩漢官儀云漢制八座丞有準繩有節操  
遷和帝詔留增秩百寮憚三臺清王隱晉書曰  
後拜尚書遷僕射百寮憚三臺清王隱晉書曰  
遷左丞爲百寮所憚後坐事泄免又曰恢字  
長升爲尚書左丞正色在朝三臺清肅出兼中丞  
八座肅三臺並詳奏郭奕彈崔洪王隱晉書曰  
左丞時尚書郭奕成故將也累辭疾病不起復不上朝  
又自表味菲乞出臨喪詔書聽許減舉奏之  
設官部尚書左右丞  
開監額函卷七十四

弩射注 掌威儀 主財用 尚書吏人上官志曰左丞掌儀  
前下詳 總領綱紀 掌稟錢穀 學記初 北斗中樞

南宮左轄 見後樊左 職稱朕望 功滿詔留 唐戴

尚書右丞尋遷左丞太宗謂曹曰尚書省天下綱維百  
司所稟若一事有失天下必有受其弊者今以令僕係  
之於卿當稱朕所望也曹性聰明處斷明速議者以

為左右丞稱職武德以來一人而已 詩名盛於開元天寶

豪貴拂席 有司供帳 唐王維以詩名貴於開元天寶

席迎之乾元中為尚書右丞 張說代源乾曜為左丞

視事之日上敕所司供帳設音樂 梁書劉覽除尚書左

篇以敘 記令史名 對三駒飲 丞令史七百一人一見

並記姓名當官清正無所私 南史尚書二丞給三駒  
謝幾卿性不拘朝會嘗預宴樂 苑不得醉而歸因詰  
道邊酒壚停車塞惟與車前三駒 上殿不下 至門

不開 梁書賀琛遷尚書左丞并參禮儀事琛前後居職  
省中為之語曰上殿不下有賀雅容止都雅故時人

以此呼之 北齊張耀為尚書左丞文宣近出令耀居

守文宣夜還耀不開門勤兵嚴備火至看面然後開迎

文宣笑曰君欲學鄧君章也賜以錦袍以其忠勤遂見

親 不置僕射 怒對宰相 唐書貞觀中宇文節為尚

見稱江夏王道宗嘗以私事託於節遂奏之太宗大

悅賜帛二百匹勞之曰朕不置左右僕射者正以卿在

省耳 顏真卿為尚書左丞代宗車駕自陝府還真卿

請先謁五陵孔廟而後還宮宰相元載謂真卿曰公所

見雖美其如不台時宜何真卿怒而前曰用舍在相公

言者何罪然朝廷事豈堪相公再破除耶載深銜之

奏求良田 勅競銀窟 隋書楊汪為兵部侍郎數年

為我覓一好左丞達遂私於汪曰我當薦君為左丞若

事果當與良田為報汪以達言奏之達竟獲罪尋拜汪

尚書汪明習法令果於割斷時號稱職 北史隋郎茂

為尚書左丞時工部尚書宇文愷右翊衛大將軍于仲

設官部 尚書左右丞 无

尚書左右丞 无

尚書左右丞 无

文競河東銀窟茂奏勅位望已隆祿賜優厚拔去  
織寂爾無聞求利下交會無魏色仲文大將軍近臣  
侍階庭朝夕間道處蒞之風抑而不慕分銖之利知  
必爭何以貽範庶僚示民軌物愷與仲文竟坐得罪  
美錦令製挽弩自射書上見通典注尚書郤詵為尚  
曰我舉郤承而還奏我此為挽弩自射吏部尚書郤詵  
子可賀我矣崔侯為國舉才我以才見僕宣子謂諸大  
惟才是視各明至公何故斯言洪開悅服歷困按火  
當食批案唐書趙涓為監察御史時禁中失火火發  
既訊涓因歷擢與東宮相近代宗疑之涓為巡使俾令  
衢州年考既深與觀察使韓滉不相感涓究理詳明及刺  
宗見名謂宰相曰豈非永泰初御史趙涓乎對曰然即  
日拜尚書左丞  
下見通典注

尚書左右丞三

原掌百官威儀學記初主臺內體制管百官表注曰左  
用署吏督遠近職輕事重以賤制貴職輕事重以賤  
制貴人所難居臣以閣少眾忝領都令史晉百官表  
領都令史七人八也署諸財用詳通量物多少晉  
官表云右丞八也署諸財用詳通量物多少晉  
漢官久次即補也久次即補  
右丞朝無賴補也久次即補  
以左丞事要宜須諒自以攝百揆遺損益者多矣亦  
病讓吏之日無彈外官事彈免建議云承荀彘以見  
於左右承都無彈外官事彈免建議云承荀彘以見  
則我朝之明準而勿失也言辭辨達云承後漢書  
君除尚書侍郎左丞朝賀陛見進對威閑練故事又  
儀辭令辨達明帝深奇異之拜膠東相

尚書左右丞

尚書左右丞

三

高字至達尚書侍郎轉左承自在臺閣開

練漢家故事前表陳國收使宜事

懋王隱晉書云傅咸字長虞為承殿中嘗火百寮莫不

近赴救而尚書東平王懋等在患疾宜自扶力而宴然在外

不赴警急奏免懋咸前後所彈奏辭皆深切及八座以

下峻急莫白哀奏山濤又武帝以山濤為司徒頻讓

奏濤違旨詔違命加罰視受罰云太重以為相怛然

杖哀五十命稽停招罰退思此非在於劇乎懦弱

則加罰默退用自戰悸何敢復以杖重為劇乎懦弱

免官晉中興書云王國寶因酒坐怒右承祖台之詔曰

各免國寶縱肆情性其不可長台之懦弱非監司體其

尚書左右丞四

原詩梁沈約和左丞庾杲之移病詩曰歲暮豈云聊參

差憂與疾匪澣孰能賜持身固無述握蘭空盈把待漏

終不溢嚙喧滿眼前簿領紛盈膝安用談天辨徒勞夢

賜筆挂冠若東都山林寧復出唐杜甫贈韋左丞

大濟詩曰左轄頌虛位今年得舊儒相門韋氏在經術

漢臣須時議歸前列天倫恨莫俱鴿原荒宿草鳳沼接

亨衢有客雖安命衰容豈壯夫家人憂几杖甲子混泥

途不謂矜餘力還來謁大巫歲寒仍顧遇日暮且踟躕

老驥思千里飢鷹待一呼若能微感激亦足慰榛蕪

增制唐白居易授庾承宣尚書右丞制曰昔我太宗文

皇帝嘗謂尚書丞百職綱維事一失中則天下有受其

弊者因命戴胄魏徵及杜正倫劉洎輩總領是職分居  
左右職修事理人到于今稱之故吾前命崔從持左綱  
今命承宣操右轄眾口籍籍頗稱得人况承宣端諒勤  
敏周知典故必能為我紐有條之綱扼妄動之輪坐曹  
得出入郎官立朝得奏彈御史沒會政要扶樹理本無  
俾戴魏劉杜專美於貞觀中可守尚書右丞散官勲如  
故 又授孔戣尚書左丞制曰尚書丞掌沒百事樞轄  
六曹晉魏以還右減於左惟有立者可以糾吏維無瑕  
者可以律人無以易戣往恭乃位可尚書左丞散官勲  
賜並如故 宋元厚之王右丞制曰朕循唐制復文昌

府以令僕執國大政而丞為之貳禮優秩峻茲謂輔臣  
某亮直清明有猷有守服在禁近厥聞惟休茲用命爾  
以中大夫正秩於右轄於戲庶習雖逸法艱維初凡厥  
有官弗祇弗迪亦惟朕政未發於中其能允諧時汝之  
任往服朕命厥惟懋哉 又蒲左丞制曰某問學才猷  
談洽通敏自朕識拔揚於禁嚴是用命爾以中大夫正  
秩於左綱於戲若昔大猷訓迪在位時朕忱汝協濟茲  
惟祇辟可以肅列曹惟若德可以熙庶績圖休於永冀  
尚懋哉

增 誥宋蘇轍劉摯尚書右丞誥曰漢御史大夫能任其

職則為丞相近世中執法議論不撓亦補執政昔我仁宗優養正士開受直言時則有若包拯張昇之流咸以敢言獲聞大政舊俗已遠此風寂寥容悅相承亦棄不用朕追懷先正選建忠賢諤諤之聲庶幾前列具官劉摯早以御史少事裕陵力陳是非不避權寵十年流落志氣不衰召置臺端首開正論進任中司之要屢聞白簡之言風聲凜然國是以定朕欲試其行事之實是用付以右轄之權治忽所關寄任尤重夫以言責人甚易以義持己實難爾其勉之毋使輔政之功不若言事之效

**表**蘇轍謝除尚書右丞表曰渙汗之恩已行而不返偃偻之志雖勤而莫伸上媿鴻私下慙公議恭惟皇帝陛下接堯舜之統蹈成康之仁體貌先正耆老之臣揀拔後來翹秀之士俛仰六載前後幾人詎然公明故不私賢否之實穆然淵默故坐照情偽之真臨御久則鑒愈明得失分則下無隱如臣者西南騷士三句小儒早歲猖狂偶竊方聞之選中年流落既安縣世之卑遭時乏人致位近侍跌宕文墨之間囁嚅議論之場舉皆空言安有實效顧惟省轄之重實參國論之餘豈無遺賢遽及微品地寒資淺何以望三事之餘光才短力罷安



能越六聯之滯論雖復黽勉就職歎何言此蓋伏遇  
皇帝陛下天地之仁曲成草木之陋父母之愛不錄子  
弟之非將建大厦以覆羣生故收衆材而無棄物然臣  
負過其力受非所容惟有潔己無私或不孤於託付引  
類自助幸得免於顛隳不渝始終少荅恩造 爲樊左  
丞讓官表曰伏奉制除臣尚書左丞寵命俯臨慙顏自  
失泛大鯨之海但覺魂搖戴巨鼈之山未如恩重臣聞  
尚書百揆翊亮萬機故天上尊北斗中樞陛下有南宮  
左轄晉昇孔坦諒直當時漢拜楊喬閑練故事庶得百  
寮有憚於會府諸侯取法於京師臣實謏才謬登清貫

握蘭起草昔紊朝經剖竹頒條近貽人瘼備歷中外無  
聞聲庸版圖再緝貢賦未均於九州銅印吏操威儀不  
檢於三署次郎補缺豈易其人聖主求才宜難此受竊  
謂勿求俊乂側訪瓌奇必使德合準繩言成綱紀興化  
致理時無間言況安上必在於薦賢危身莫踰於曠職  
倘蒙垂收紫渙俯矜丹誠愚臣保陳力之言聖鑒有責  
成之地

淵鑑類函卷七十四

設官部

淵鑑類函卷七十四

尚書左丞

三十三



